


《六門教授習定論》第一門 求脫者



1. 頌曰：


#2) 於三乘樂脫，名求解脫人，二種障全除，斯名為解脫。

#3) 應知執受識，是二障體性，惑種一切種，由能縛二人。

#4) 已除煩惱障，習氣未盡除，此謂聲聞乘，餘唯佛能斷。

#5) 若彼惑雖無，作儀如有惑，是習氣前生，若除便異此。

2. 釋#2 頌：求解脫




2.1. #2) 於三乘樂脫，名求解脫人，二種障全除，斯名為解脫。

2.2. 釋曰：此之四頌，釋求解脫者，謂於聲聞乘等有差別故。於三乘中心樂解脫，名求解脫。


云何解脫？二種障全除，斯名為解脫。

2.3. 何者是二障，除之名脫。

3. 釋#3 頌：執受識



3.1.#3)應知執受識 (阿賴耶識與末那識相互依緣的關係：攝藏、執持、執受)，是二障體性，(有漏) 惑種一切種，由 (依發心的不同而) 能縛二人。



3.1.1. 《攝大乘論疏》所知依分第二：

一切有生雜染品法於此攝藏為果性故，又即此識於彼攝藏為因性故，是故說名阿賴耶識。或諸有情攝藏此識為自我故，是故說名阿賴耶識。

@「於此攝藏為果性」者，有生現法於生起時能熏此識，令彼習氣攝藏於此為彼法果

@「又即此識於彼攝藏為因性」者，攝藏彼種故，能生彼現法故，此阿賴耶識於彼所攝藏現法而為其因

@即以能藏所藏義故，得阿賴耶名

@「或諸有情攝藏此識為自我故」者，謂此阿賴耶識一類恆時相續無間，為一切法根本所依，七識緣之故執為我，以執藏故名阿賴耶識也

3.1.2. 《攝大乘論疏》所知依分第二：

復次，此識亦名阿陀那識。此中阿笈摩者，如解深密經說：阿陀那識甚深細，一切種子如瀑流，我於凡愚不開演，恐彼分別執為我。

@阿陀那者，義謂「執持」

3.1.3. 《攝大乘論疏》所知依分第二：

何緣此識亦復說名阿陀那識？「執受」一切有色根故，一切自體取所依故，所以者何？有色諸根，由此「執受」無有失壞，盡壽隨轉。又於相續正結生時，取彼生故，執受自體。是故此識，亦復說名阿陀那識。

@執謂執持，令不壞爛。受謂領受，安危共同


3.2. 應知執受識，是二障體性。



3.2.1. 識者，即是阿賴耶識。

3.2.2. 執受者，是依止義。

3.2.3. 謂是煩惱、所知二障體性。



3.2.3.1. 此復云何？

惑種即是煩惱障自性，一切種即是所知障自性。


又一切種者，即是二障種子，能縛二人。

煩惱障種子能縛聲聞，一切種子能縛菩薩，
由與聲聞、菩薩為繫縛故。

3.2.3.2. 云何此二解脫差別？

謂聲聞人習氣未除，斷煩惱障而證解脫；唯佛世尊，能總除故。

4. 釋#4 頌：習氣



4.1. #4)已除煩惱障，習氣未盡除，此謂聲聞乘，餘唯佛能斷。


4.2. 云何習氣？

彼惑雖無，所作形儀，如有惑者，是名習氣。

4.3. 此中應言，若惑雖無，令彼作相，如有惑者。

此言作儀，如有惑者，即是於因說果名故，彼謂聲聞獨覺。

5. 釋#5 頌：誰之習氣



5.1.#5)若彼惑雖無，作儀如有惑，是習氣前生，若除便異此。

5.2.未知此是誰之習氣？

謂是前生所有串習之事，尚有餘氣，今雖惑盡，所為相狀似染形儀，名為習氣。（以六度藉事練心）若能除斷，與此不同。應云若彼習皆無，不作儀如惑。

未知此是誰之習氣？
謂是前生所有串習之事，尚有餘氣，今雖惑盡，所為相狀似染形儀，名為習氣。（以六度藉事練心）若能除斷，與此不同。應云若彼習皆無，不作儀如惑。

《大智度論 第2卷》

阿羅漢、辟支佛雖破三毒，氣分不盡；譬如香在器中，香雖出，餘氣故在。又如草木薪火燒煙出，炭灰不盡，火力薄故；佛三毒永盡無餘，譬如劫盡，火燒須彌山，一切地都盡，無煙無炭。如舍利弗瞋恚氣殘，難陀姪欲氣殘，必陵伽婆嗟慢氣殘；譬如人被鎖，初脫時，行猶不便。

長老必陵伽婆嗟常患眼痛，是人乞食，常渡恒水，到恒水邊彈指言：「小婢住！莫流！」水即兩斷，得過乞食。是恒神到佛所白佛：「佛弟子必陵伽婆嗟，常罵我言小婢住！莫流水！」佛告必陵伽婆嗟懺謝恒神！必陵伽婆嗟即時合手語恒神言：「小婢莫瞋！今懺謝汝！」是時，大眾笑之：「云何懺謝而復罵耶？」佛語恒神：「汝見必陵伽婆嗟合手懺謝不？懺謝無慢而有此言，當知非惡。此人五百世來，常生婆羅門家，常自憍貴，輕賤餘人，本來所習，口言而已，心無憍也。」

5.2.1. 《大智度論 第 2 卷》

阿羅漢、辟支佛雖破三毒，氣分不盡；譬如香在器中，香雖出，餘氣故在。又如草木薪火燒煙出，炭灰不盡，火力薄故；佛三毒永盡無餘，譬如劫盡，火燒須彌山，一切地都盡，無煙無炭。如舍利弗瞋恚氣殘，難陀姪欲氣殘，必陵伽婆嗟慢氣殘；譬如人被鎖，初脫時，行猶不便。

長老必陵伽婆嗟常患眼痛，是人乞食，常渡恒水，到恒水邊彈指言：「小婢住！莫流！」水即兩斷，得過乞食。是恒神到佛所白佛：「佛弟子必陵伽婆嗟，常罵我言小婢住！莫流水！」佛告必陵伽婆嗟懺謝恒神！必陵伽婆嗟即時合手語恒神言：「小婢莫瞋！今懺謝汝！」是時，大眾笑之：「云何懺謝而復罵耶？」佛語恒神：「汝見必陵伽婆嗟合手懺謝不？懺謝無慢而有此言，當知非惡。此人五百世來，常生婆羅門家，常自憍貴，輕賤餘人，本來所習，口言而已，心無憍也。」